

古

謠

諺

古謠諺卷七十七

秀水杜文瀾輯

汪藻引諺

浮溪集

卷十九

爲德興汪氏種德堂作記昔王祥

王覽當東漢之末兄弟隱居者三十餘年以孝

友著名於世及晉而子孫極蕃以大更六朝訖

隋唐數百年至譜牒不能傳而後已故諺曰

云

云淮水固無可竭之理而王氏至今有人也

淮水竭王氏滅

案晉書郭璞傳亦引此一語然作占辭而不言諺故置彼錄此

李轆諺

范成大詩集秋雷嘆沃哉豐隆無藉在正用此
時鳴李轆注云諺云云謂秋日雷也

秋李轆損萬斛

吳中爲蘇常二州語

渭南文集

卷二

常州犇牛閘記方朝廷在故都

時實仰東南財賦而吳中又爲東南根柢語曰

云

故此開尤爲國用所仰遲速豐耗天下休

戚在焉

蘇常熟天下足

吳都文粹
常作湖

舒州石塘民爲周必正歌

渭南文集

卷三
十八

監丞周公墓誌銘公諱必正字

子中知舒州郡東南有烏石陂分其流旁則爲

石塘陂烏石之民欲專其利乃壅水使不得行

石塘之田歲以旱告公命懷甯令丞視之得實

圖上於州公按圖自以意定水門高下甫去壅

水未尺餘得古舊迹與所高下不少差陂利始
均石塘民喜至感泣乃歌曰

烏石陂石塘陂流水濺濺有盡時思公無盡時

蜀人爲唐安郡語

劔南詩彙

卷四

雨夜懷唐安詩歸心日夜逆江流

官柳三千憶蜀州自注蜀人舊語

唐安有三千官柳四十琵琶

陸游引俗語論憂患

劔南詩彙

卷四

書齋壁詩平生憂患苦縈纏

刺磨成芡實圓自注俗謂困折多者爲

菱角磨作雞頭

吳中布襖諺

劔南詩藁

卷四十六

五月十日曉寒詩短褐竟未送

自注吳中諺語曰

云

俗謂典質曰送

未喫端午粽布襖未可送

吳下田家志布襖作寒衣

朱子引諺

朱子文集答呂伯恭書諺云

今年自家雪裏凍殺不知明年甚人喫大碗不托

古諺諺

卷七十七

曼陀羅華閣

陳亮引俗諺

陳龍川集不傳絕業更須討論者猶恐如俗諺

所謂云

云耳

千錢藥却在笆籬邊

四明宗黨爲袁蔡二夫人語

絜齋集

卷二十一

林太淑人袁氏墓誌銘林太淑人

袁氏贈通議大夫林公諱勉之妻也林氏四明

大家通議官中都而卒淑人于是年二十七爾

守節堅確誓無他志念門戶凋落欲振起之教

子益嚴名儒碩師亟使請益所以培植磨厲者甚備後其子祖洽以學行材諳丞司農守三郡爲時聞人賢母之教俱顯其亦勞矣而自視歎然若不及親黨以此益賢淑人翕然稱曰雖古賢婦弗過也維林氏世載令德閭閻多賢有蔡夫人者寺丞君之四世祖妣也婉淑有賢操釁居介然起敬鄉黨醉呼者過門亦羞愧自戢曰母驚此母淑人聞其風而師焉每日吾何法法蔡夫人爾冰寒玉潔前後相望有補於世教故

宗黨爲之語曰

百世之紀蔡袁夫人

鄭清之引諺

安晚堂集滷蛤詩子蛤遣汝到眉按弩力去爲
酒中虎自注諺稱海錯鹹者爲

捉酒虎

劉一止引里語

茗溪集和巒整二子寒食少天色五字詩人言
二月時霏雨生樹杪天色何時無要問寒食少

自注里語

春雨樹頭生

葉茵引諺

順適堂吟藁

戊集

蠶婦吟掃下烏兒毛樣細滿箱

桑葉翦青柔大姑不似三姑巧今歲線絲兩倍

收自注諺有

云

之語

大姑拙三姑巧

臨安爲韓左廂謠

東維子集杭圖志有宋韓左廂者以進士起身

由臨安令以嚴明升臨安府左廂官臨安剽民財者號白擎子聞公至皆屏跡謠云

韓廂明無白擎韓廂死白擎起

俞塘諺

華亭百詠俞塘注云府東五里往來之舟皆可揚帆諺云

雖有珠千斛不賣俞塘北

王寂引諺論卜筮

拙軒集卷六贈日者李子明序易有君子之道四

焉而卜筮其一也遂人李子明得樂五虎之遺

法又能以五行十干奇偶成字吉凶否泰必以

忠告嘗爲予筮之屢中諺

三餘贅筆云云

作世言云若

方富於年但當於古人用心處以期益進則季

主君平安知不復見於今日也

老醫少卜

三餘贅筆云醫者以年老爲貴卜者以年少爲貴老醫人皆知之問之少卜不知何謂按

王彥輔塵史云老取其闕少取其決乃知俗語其來久矣

案鷓冠子卷下學問篇陸佃注引此條作語而不言

諺故置彼錄此

人爲李好文諺

梧溪集

卷四上

目耕軒詩後序公諱好文字惟中

開州東明人也幼力學家苦貧夜就鄰之磨坊
燈讀書凡十餘年靡少懈一日值雪抵村舍媪
貸斗黑菽媪卻曰子奚拙耕公曰吾目耕耳其
意氣自若也既諺曰

目耕夜分李好文

王泳消搖歌

梧溪集

卷四下

王處士壽藏序銘處士上海人名

泳字季深姓王氏冬夏一裘葛日蔬飯晏如也
門生劉縝冠履昆季爲買龍華之原營壽藏處
士角巾藜杖消搖青松間而歌曰云
嘯而返云歌闕長

蠶何物兮蠶是室兮吾其願畢兮抑亦二三子之力兮
陳履信諷鄰歌

梧溪集

卷五

贈陳履信詩後序思松人不苟徇俗

雅志古道有田僅供餽粥遇族里貧甚者輒分
食弊廬數楹日授徒其下鄰人侵傍地自歌曰

云

鄰聞之歸所侵地

食且無魚奈何盤蔬無餘

時人為趙貞婦歌

梧溪集

卷六

陸貞婦趙氏詩序趙氏為安吉幕長

澤之孫女而鄞處士陸燾之妻也至正間兩浙多虞燾辭海甯主塾與趙隱居松之瓢湖丁未夏四月海隅有警旣兵猝至燾偕趙倉皇赴舟未遠同難者爭舍舟陸竄燾登岸將復攜趙以行而兵偪之傷刃者三遂仆深淖趙竟自投於

淵時有歌之者曰

四月三日兵撓湖婦女多被辱與驅殉節伊誰天水妹

文翬洲諺

梧溪集

卷六

文翬洲倡詠詩序予自至正丙午僑

寓隱最閒園館時黃浦中洲生僅尋丈許今已

延廣三十餘畝歲賦官入諺曰

云

洪武癸亥

始攜里叟門生共登臨焉適羣雉翬映鷗左右

衆請名是洲因名文翬

輔夾輔洲如岡如邱實安袞袞流

蘇州民爲况鍾歌

况太守集

卷一

列傳上先公名鍾字伯律宣德五

年朝議天下九大郡繁劇難治蘇州尤甚禮部
尚書胡公濙暨吏部尚書蹇公義交章薦公時
三楊當國首輔西楊尤秉知人鑒遂奏擢公任
蘇州賜敕書假便宜行事章奏得徑達御前公
下車吏胥竊賄擲空中撲死立斃六人由是吏
民震悚奉法惟謹合郡稱之曰况青天蘇郡糧
額獨重民不能堪公抗疏言應蠲除米豆十四

萬九千五百餘石六年三月繼母何氏訃至公
奏聞回籍丁憂百姓攀轅莫及罔知所措有向
撫民侍郎成均乞留者均以舊憾却之云我另
保好知府來陰嗾民人顧忠等誣告公尋秋糧
應減者倍加收斂奸吏舞法故弊叢生民益思
公弗置作歌曰云又有歌云吁嗟之聲
溢於衢巷於是直隸巡按御史張文昌蘇州同
知楊粟知縣祖述等據長洲縣耆民顧榮三萬
七千五百八十餘名告詞奏請不爲牧民常例

令本官奪情起復以慰輿情適湖廣巡按御史
周兼奏稱况知府幹辦勤謹賦役平均吏畏民
服今守制去小民如失父母乞念大郡得人朝
廷重務令本官起復庶得公事易完小民歡悅
奉聖旨吏部准他奏遂檄取公徑回原任云

况太守民父母衆懷思因去後願復來養田叟

卷四張公贈傳

同 卷十六功績案同 明詩綜卷一
百無中二句願復來作早歸來養作樂

郡中齊說使君賢只剪輕蒲爲作鞭兵仗不煩森畫戟
歌謠曾唱是青天

蘇州民又爲况鍾歌

况太守集

卷二

列傳中宣德七年二月公復捧敕

書馳驛之任計離任十月餘取奸吏悉置之法
風紀復振八年十月考三載滿奏准入覲九年
正月公在京二十五日上賜御製詩並筵宴陞
辭之日給路費鈔三千貫入覲時民懼其以治
行優異陞去及歸咸作歌曰

太守朝京我民不甯太守歸來我民忻哉

蘇州民再爲况鍾歌二則

附况鍾
答歌

况太守集

卷二

列傳中宣德十年春英宗卽位詔

天下府州縣官有廉勤公正能恤民者親臨上
司以禮待仍列具其優異政績上聞以憑陞擢
於是七縣耆民秦孔彥等八萬餘人條具公自
初任至起復凡八年政令民謠於五月經撫民
侍郎周忱巡按御史趙奎衙門轉奏十一月考
六載滿奏准入覲且朝賀廷臣咸體上旨禮待
而致其勉勞意正統元年正月召見宣賜敕書
一道給鈔千貫命復之任先是公之來也民咸

謂公優異政績既達必陞擢去老者作歌曰

云

云童稚歌曰

云

公聞之懼不敢當乃歌而揭

於衆曰

云

甫入境耆民載道歡迎視昔有加

焉

公政惠我公恩息我父母畜我長我育我我飢穀我我

困甦我公去愒我誰與活我

老者歌

况青天朝命宣願早歸在新年

童稚歌

懸筭瑣深願早歸作宜早還

我曷能政政由上命我曷能恩恩由至尊聖人更化我

叩我首我陳爾情俾爾無爾病俾爾飫甯以樂太平

况鍾

歌

古謠諺卷七十七終

古謠諺卷七十八

秀水杜文瀾輯

北郡長老爲李忠貞語

空同集

卷三十七

族譜傳號處士公者諱忠貞聞之

長老曰處士公任俠有氣人也處士之死則以

田氏子退而問先君先君揮涕曰往田氏爲仇

家者殺處士怒赴愬行於是仇家大懼乃使郡

中諸豪長來行百金間不解而仇家故大有財

勢可使官及處士赴愬至官置不理反久繫處

士於是處士益發憤怒病且死仰天呼曰天乎
予何罪竟死獄中是時無問識不識咸切齒仇
家故長老至今語曰云蓋傷處士云爾然子
聞處士葬時有地理家張生指其地曰此必有
後豈不謂天道哉

訟事無天

李正字擊缶歌

空同集

卷三十七

族譜傳號吏隱公者諱正字惟中

處士公第三子爲周封邱王教授公在王門十

三年沈晦於酒然時人莫識也公酒酣擊缶歌

曰云

云

於是乃自稱吏隱公云

人欲爲貪吏貪吏殃及子孫人欲爲廉吏廉吏窮餓不能行我今旣不爲貪吏又何可稱廉吏王門之下可以全身避世

李夢章引長老言

空同集

卷三十七

族譜傳李夢陽有弟曰孟章頗好

與黃冠人遊其伯氏怒罵之弟知伯氏弗已悅也於是間說之曰夫人生日劬劬何爲者

與是非爲名與利哉夫豢我者戕我者也軒冕者桎梏我者也今釋養生之道不務乃日劬劬勩勩與利名爭是亦益速自戕爾長老有言曰

云言旦暮難保也

上牀脫屣不知生死

李夢陽引諺論先兆

空同集

卷三十七

族譜傳孟章弟爲兒時業自言火

蒸蒸自丹田起衝腦眩迺後恒病熱卒死彼諺

有之曰

云

云

言有兆必先也由是言之弟之談

說仙術其亦弗祥也已矣

入田觀稼從小看大

又引鄙人言論族譜

空同集

卷三十七

族譜序李廣至德厚得士大夫心

及孫陵降匈奴自是李之名敗而隴西之士遂
恥居門下此豈垂統者之過哉鄙人之言曰

云

云斯言雖小亦可以喻大故一命之士而布衣
之徒能潤色名行設禮義法約統治其族人此
亦豪傑特立之行非苟而已也

何論根株幹大則枝斜

又引諺三則論國事

空同集

卷三十八

上孝宗皇帝書藁三害一曰兵害

夫錦衣衛爪牙之司也今內官之家人子弟官之團營兵之精也內官參之內兵又其專掌之陛下乃何獨而不爲之寒心耶諺不有之曰

云言貴豫也六漸一曰匱之漸夫錢者泉也言

流也散於上則聚於下公家削則私家盈今京城內外千觀萬寺亦熾矣顧又不止彼左右侍

臣孰非造寺者也動孰匪以鉅萬計諺曰

云云

今彼鉅萬出則其入不止於鉅萬明矣四曰弛
法令之漸犯人王禮獄案已具法所不赦也陛
下何從而赦之耶故罰一人而千萬人懼諺曰
云云臣故以王禮之赦爲弛法令之漸

萌芽不伐將折斧柯爝爝不撲燎原奈何

十人一出

勿謂尺五後且不補

呂太監引諺

空同集

卷四

河南省城修五門碑河南省城者

宋之內京城也高皇帝定天下也蹕於汴駐焉
於是升汴爲京繕之視他城堅自降而爲省也
又今百五十年故其城若門雖大勢巍壯而中
損蝕者不少矣嘉靖元年太監呂公來鎮茲土
登城躡樓俯仰者久之乃慨然而嘆曰諺有之
曰云是城也及今修之費猶省也
云

些小不補直至尺五

閩中父老爲楊重李錦康鏞語

空同集

卷四十二

平陽府經歷司知事康長公墓碑

純皇帝時靈臺有楊生名重長安有李生名錦
二人者皆與武功人康長公遊康長公之與二
人者友也於是并稱爲關內三才云康長公名
鏞字振遠善文辭習識當世之務年二十餘從
其先太常就辟試南京顧數不第已乃還關中
卽又試關中又不第乃後歲貢至太學至太學
又試又不第然太常已葬南京於是乞爲南京
太學生而卽其故太常之域祠焉然自是不復

有試之心矣是時楊生李生亦皆阨塞弗庸於

世關中父老語曰

云

三子之謂矣

古人有言勿爲嘵嘵人將缺焉勿爲皚皚人將污焉

康鏞引諺

空同集

卷四

平陽府經歷司知事康長公墓碑

平陽君有二子長曰阜次日海阜先平陽君卒

平陽且卒子海侍平陽君執其手而泣曰夫欲

心恒安逸爲其可以貪命而樂存至厚生也今

吾棄功名之會不赴又不欲勞費心體非於身

疏也今病痿乃且死諺曰

二云

二云

是天乎是天乎

斷酒白首舖糟而朽

人爲左氏語

空同集

卷四十三

宗人府儀賓左公遷葬志銘左公

諱夢麟字應瑞按左氏永新逢橋人也語曰

逢橋八百左

李夢陽引諺論醫

空同集

卷四十三

梅山先生墓志銘先生姓鮑氏名

弼字以忠歙縣人也梅山曰吾往與孫太白觴

於吳門江上酣歌弄月冥心頓會孫時有綿疾

吾醫之立愈諺曰

一云

云誠自醫之黃岐鵠化至

今存可也

盧醫不自醫

通許邑人爲婁良賈恪語

空同集

卷四十四

遙授滄州判官賈君墓志銘賈君

者通許縣人也君曾祖諱贊洪武間以人才爲

鉛山縣知縣贊生麟封監察御史麟生恪少與

婁良齊名語

明詩綜卷一曰

云

恪舉進士官

至山東參議是爲參議君

明詩綜云通許婁良與同郡賈恪齊名兩

人皆中正
統進士

婁良賈恪氣如山岳

明詩綜
岳作嶽

李夢陽引諺論報施

空同集

卷四
十五

臨江府知府致仕尙公墓志銘其

弟美信者固予同年進者也公睢人也諱縉字

美儀知臨江府在郡三年吏畏民懷秉鈞者方

擬擢公會章樹鎮稅課舊爲王府據者公奏奪

歸諸公遂遭構陷而公亦抗疏解印綬時年四

十二矣居無幾美中美信俱以參議罷歸兄弟
金紫每出則冠蓋輝奕填塞閭里然位咸不稱

德諺曰

云

君子於是謂尙氏長矣

不竟其祿子孫之穀

蜀人爲崔陞曲銳語

空同集

卷四十五

四川右參政崔公墓志銘公諱陞

字廷進擢四川右參政宏治丙辰監營壽王宮

於保寧役者數萬人費覈而力舒戊午逆申王

於境民無擾者人稱之公行部勾稽旣詳願又

喜廉臧否與僉事曲銳齊名蜀人語曰

崔參曲僉吃如雪山

李夢陽引諺論培養

空同集

卷四十五

山西按察司僉事賈公志銘公名

定字仲一公知絳也會大饑疫上救荒八事是

年又平垣曲之盜京之北遷也偶有獻棗栗者

歲例徵棗栗公知易州則條園林登耗之狀以

聞得半減焉諺曰

云

言蒔之者人成之者已

也夫州縣之吏之不爲世之懌也尙矣以今賈

公觀之則所謂矮屋跛足者然乎弗然乎

穀要自長

豪貴人爲輔國將軍語

空同集

卷四十六

鄢陵府四輔國將軍墓志銘四輔

國將軍者鄢陵安僖王孫也輔國不以地高人而好詩書樂與衣冠徒遊嘗讀前史覽功名之會輒撫卷慨然而嘆又見豪貴人以千金飾狗馬衣裘聚名姝罔惜費及義施願一錢忍弗能與則又嘆曰雙火一膏兩斤獨木是速滅之道

耳且貧富命也孰有義而相損者耶於是婚喪
弗舉者輔國見之輒與醵酒或棺人曰輔國壽
揆厥心行永之占也居無何輔國病歿矣年四
十一耳於是豪貴人反以輔國爲口實相語曰
匪火自焚匪斤自樞

李夢陽引諺論積累

空同集

卷四十六

夫人賈氏墓誌銘夫人賈氏者輔

國將軍鎡夫人也賈氏貴盛矣而夫人乃願謙
約孝敬沉慧而夫人子河詩書文雅謙約孝敬

沉慧又盡如夫人故君子謂輔國有子賈氏有

甥諺曰

二云

云言物必有種也今以賈夫人觀之

信哉

胡荈不結瓜菽根不產麻

李夢陽游蘇門歌

空同集

卷四十七

遊輝縣記李夢陽曰詩云泌之洋

洋可以樂饑予當正德戊戌值春仲之交而游

於輝縣於是覽蘇門之山降觀於衛源乃登盤

山至侯趙之川遂覽於三湘返焉李子登蘇門

之山扣石而歌歌曰

二云

歌竟長嘯響應林谷

時人莫測也

泉水活活北之流矣有女懷春采彼薇矣山雪修阻暮
予何之矣

徐琪引諺

空同集

卷四十八

廣信獄後記李華問乎徐琪曰夫

法者守一以御萬者也任情而尊夫人也夫奚

有於法徐琪曰嘻子胡見之晚矣諺曰

二云

子

又鳥知彼不別賢愚而務存體統哉

循智保身審時致位

李夢陽引諺論學

空同集

卷六十二

荅周子書且人情未有不忽近而

務遠者何也世遠則論定近則疑今足下於僕
同時最近涉疑而不疑又無傾蓋之談接衽之
雅乃一旦走千里之使聲應而氣求之僕以是
知足下立之獨而往之勇也以是而的古何古
之不的矣諺有之曰

云

云

言志之難久也幸足

下無悅其易無憚其難積久而用變化叵測矣

一年二年與佛齊眉三年四年佛在一邊

占陰晴諺

升菴集補占陰晴諺詩電光分南北陰霽在俄

晷自注諺云

田家五行志夏秋之間夜晴而見遠電俗謂熱閃在南主久晴在北

主便

雨

南閃千年北閃眼前

楊慎引諺

升菴外集宏治中餘杭有周德恭評王安石爲

古今第一小人此言最公最明矣朱子以安石

爲名臣與司馬光竝立審如此商鞅與孟子齊
名矣程子謂新法之行吾輩激成此言亦非譬
如醉者醜者擊人醒者必羣起力救不能止醉
之醜而反罪醒之救可乎諺云

云

其言雖俚

其事實類也此言一出遂爲後日調停張本陸
象山作王安石祠堂記全祖此意

無奈東瓜何捉着瓠子磨

京師爲嚴嵩嚴世蕃謠

楊忠愍公集

卷一

請誅賊臣疏方今在外之賊惟

俺答爲急在內之賊惟嚴嵩爲最未有內賊不
去而可以除外賊者我太祖高皇帝親見宰相
專權之禍遂罷中書丞相及嵩爲輔臣儼然以
丞相自居皇上令嵩票本蓋君逸臣勞之意嵩
乃令子世蕃代票恣父逸子勞之爲是嵩旣以
臣而竊君之權又以子而並己之權百官孰敢
不服天下孰敢不畏故今京師有大丞相小丞
相之謠按此條已見明史又曰云蓋深恨嵩父子並
專權柄故耳

此時父子兩閣老他日一家盡獄囚

楊繼盛引俗語論睦族

楊忠愍公集卷二赴義前一夕遺屬父椒山諭應

尾應箕兩兒你堂兄燕雄燕豪燕傑燕賢都是
知好歹的人雖在我身上冷淡却不干他事俗

語云云你兩箇要敬他讓他祖產分有未均

處他若愛便宜也讓他罷切記休要爭競自有
旁人話短長也

好時是他人惡時是家人

時人爲楊繼盛謠

楊忠愍公集

卷四

王世貞楊忠愍公行狀公十八

補邑諸生踰冠讀書於邑寺僧舍自勵勤苦其
明年春諸僧病疫且甚同舍生俱亡去公獨曰
吾去僧誰爲治湯藥者乃吾死僧矣則爲視爨
事問醫調藥餌僧以次愈而兄病疫亦作按以
編年譜考之是年病疫者
公之同母長兄繼美也公於是奔波歸日夜
不解衣而扶侍亦愈時人異之爲語曰

疫無鬼以爲不信視楊氏子

明詩綜卷一
百無氏字

內江兒童祈雨歌

歸震川集

卷二
十四

貴州思州府知府李君墓碑君

諱允簡字可大家於今柳州之融縣攝荆門州
爲政清勤民德之陞知內江公廉自持士大夫
乞請無所得大旱齋沐祈禱徒步暴赤日中令
兒歌之曰云三日霖雨大足

旱旣太甚治邑非人寧禍其身勿病其民

扶溝人爲杜孟乾語

歸震川集

卷二
十六

涪南居士傳涪南居士者姓杜

氏名孟乾其先自魏滑徙扶溝邑居洧水南故
以爲號初洧水東折歲久衝淤轉而北居士力
言於令改濬以達於河扶溝人賴其利爲之語
曰

洧水淤老幼啼洧水通賴杜公

時人爲歸氏語

歸震川集

卷二十八

歸氏世譜後吾歸氏洪武六年

徙崑山之東南門明有天下至成化宏治之間
休養滋息殆百餘年號稱極盛吾歸氏雖無位

於朝而居於鄉者甚樂縣城東南列第相望賓

客過從飲酒無虛日而歸氏世世爲縣人所服

時人爲之語曰

餘集卷之七贈伯仲號紹耕禮垣序歸氏世著於吳自唐天寶迄

於同光百六七十一年間以文學科名仕宦者不絕於世由宋元至國朝仕多不遂竹帛無可稱者然時有儻豪俠之夫肥馬輕裘馳騫於鄉里往往爲郡守縣令所賓禮至今吾縣人猶相傳云云云蓋亦盛矣

縣官印不如歸家信

餘集作縣家一印不如歸家一信

濟甯諺

歸震川別集

卷六

壬戌紀行南旺水涸至宋尙書

祠觀鷺河口汶水來處鷺河口卽黑馬溝也有
分水龍王廟汶自此逆流北出五百餘里入於
衛南出二百餘里合於沂泗凡八百餘里云北
去者逆上至南旺而順南行者亦逆上至南旺
而順故濟寧當南北之半而行者皆相期至此
諺云云以爲過是皆順流也

上巴濟寧下巴濟寧

張居正引諺論官守

張太岳文集

卷八

送大曹長暘谷南先生赴留都

古諺

卷七十八

曼陀羅華閣

考功序君起家進士始以吉士讀書中秘嗣簡
列銓部郎周歷諸曹往年以考功入選部適其
際稍異故常太宰翁欲嚴簡汰以祛夙釁君毅
然當之登俊斥回不少牽避藉藉當於衆心計
績敘勞人謂君躋陟通顯且旦夕矣胡至罹此
意外哉主上廉君曩日令以舊秩暫移南中且
易其曹列之考功蓋考功在南中視他曹獨要
也旨下在庭士舉懽然語曰主上神明哉神明
哉其知南大夫矣同舍諸大夫訊君於邸揖君

曰嗟君乃復此行里諺云二云言責之者備矣

美服人指美珠人估

又引諺論邊情

張太岳文集卷三十三答三邊總督鄭範溪計順義

襲封事辱示邊情及諭扯力良夷使云云悉中

機宜具服雄略襲王之事大都屬之黃酋但須

將今年貢市事早早料理以見表誠悃而後可

為之請封諺云二云務令大柄在我使之覬望

懇切而後得之乃可經久然夷情多變亦難預

設聞近日恰首與夷婦及諸酋議論不合頗爲
失歡若果有此且任其參差變態乃可施吾操
縱之術也順義卹典屬部議覆仍當於旨中從
厚以示天恩

若將容易得便作等閒看

又引諺論考成

張太岳文集

卷三十八

請稽查章奏隨事考成以修

實政疏臣等竊見近年以來章奏繁多各衙門
題覆殆無虛日然敷奏雖勤而實効蓋尠言官

議建一法朝廷曰可置郵而傳之四方則言官
之責已矣不必其法之果便否也部臣議釐一
弊朝廷曰可置郵而傳之四方則部臣之責已
矣不必其弊之果釐否也某罪當提問矣或礙
於請托之私槩從延緩某事當議處矣或牽於
可否之說難於報聞徵發期會動經歲月催督
稽驗取具空文雖屢奉明旨不曰着實舉行必
曰該科記着顧上之督之者雖諄諄而下之聽
之者恒藐藐鄙諺曰

云

云

今之從政者殆類於

此

姑口煩而婦耳頑

又引鄙諺論國用

張太岳文集

卷四十三

看詳戶部進呈揭帖疏夫天

地生財止有此數設法巧取不能增多惟加意
撙節則其用自足伏望皇上將該部所進揭帖
置之座隅時賜省覽總計內外用度一切無益
之費可省者省之無功之賞可罷者罷之務使
歲入之數常多於所出以漸復祖宗之舊庶國

用可裕而民力亦賴以少寬也鄙諺云二云此

言雖小可以喻大

常將有日思無日莫待無時想有時

吳麟徵引諺論憂樂

吳忠節公遺集卷二與彭觀民書漕事幸集野無

蓋藏橫陳白屋棄子草間者比比諺云二云此

時求一開口伸眉更不可得矣

人愁不要喜悅

又引諺論田產

吳忠節公遺集

卷二

還里人田券書落落吳生豈

肯向里巷小兒丐餘瀆哉功成還券鄙人夙心

此念耿耿未嘗暫忘區區之心無陽施陰設之

謀無沽名市德之意如世之號爲假道學者所

爲也諺云

云

不酬之德弟固所甘以德爲怨

兄乃太甚何以勸天下之爲德於人者

大德不酬

永樂時人爲松江徐氏謠

交行摘稿

附小傳

先生名孚遠字闡公松江華亭

人也上世居汴梁爲宋朝宗室高宗南渡時分封於浙之湖州郡烏程東山徐溝村以地爲姓避亂隱居終元七世無一出仕者至太祖宗周佛子公始出仕爲參計使子若孫接踵登第永樂朝遂有云之謠

一堂六進士四世繼三公

宋時爲江南詩歌語

曝書亭集

卷三十八

張君詩序昔之采風者不遺邨

鄘曹檜而吳楚大邦不見錄於輜軒之使後百

六十年屈宋唐景楚風代興漢之五噫晉之吳
聲十曲迨宋而益以新歌三十六當時至爲之
語曰云蓋非列國之所能擬矣

江南音一唱直千金

閩人爲譚昌言語

曝書亭集

卷五

書狷石居遺集後子童稚日就

塾於譚氏之居先後其學者六人譚舟石左羽
陸音一次友暨第五兄夏士悉中表兄弟也暇
覽狷石居遺集是爲舟石左羽之王父諱昌言

字聖俞歷福建布政司參議提督學政公之試
士也其文不假一人寓目必手自甄綜雖伯子
省覲俾寄食旅店中不許入解有投私書者概
不發函試畢題數行裏原書復之閩人語曰
云蓋視學三年鬚鬢盡白
來一封去兩封以爲不信視郵筒

楚雄郡人爲朱大競謠

曝書亭集

卷五
十三

書忠貞服勞錄後先大父忱子

府君出知雲南楚雄府事一介不取諸民招流

民平穀價恤獄囚絕爭訟寬馬戶之逋責釋棘

婦之箠楚甫八月而楚雄無枹鼓之警會聞母

何太夫人訃遂解印綬力不能具舟楫巡按御

史姜公恩睿語寮案曰朱守可謂身處脂膏不

能自潤今萬里長路豈能步還乃各率私錢贈

行府治百姓拒輪於道爭賦歌詩謠詞以述德

取陸績故事繪圖題曰鬱林石其謠明詩綜卷一百作歌

曰云鬱林石所載也明詩綜云先大父君籲府君諱大競知楚雄府

政尚廉靜甫半載丁內艱幾

不能治裝歸郡人歌曰云云

清貧太守一世難百鳥有鳳鳳有鸞

正德間京師爲張茂蘭語

蠶尾詩集

卷一

見山亭詩自注張公茂蘭故居

云

云正德間京師語曰

天下清官張茂蘭

長安爲康乃心語

蠶尾文續集

卷五

遊樊川諸勝記康熙丙子三月

十二日出永寧門至薦福寺左壁有康乃心題

莊襄王墓絕句賞咏久之龔節孫勝玉爲言康

字太乙邵陽名士長安語曰

關中二李不如一康

古諺諺卷七十八終

古謠諺卷七十九

秀水杜文瀾輯

神人暢歌

古今樂錄

據太平御覽

神人暢帝堯所作堯郊天地

祭神如在座上有響誨堯曰水方至爲害命子

救之堯乃作歌曰

郭氏茂倩云謝希逸琴論曰神人暢堯帝所作堯彈琴感

神人現故製此弄也

清廟穆兮承予宗百寮肅兮于寢堂

風雅逸篇卷一注云堂音徒紅切

醑禱進福求年豐有韻在坐

樂府詩集韻作響風勅雅逸篇注云韻古響字勅

古謠諺

卷七十九

曼陀羅華閣

子爲害在元中

風雅逸篇
害作害

欽哉昊天德不隆

樂府詩集
昊作皓

承命任禹寫中

郭氏茂倩
云一作東宮

團扇郎歌

古今樂錄

據樂府詩集
卷四十五

團扇郎歌者晉中書令

王珉捉白團扇與婢謝芳姿有愛情好甚篤

嫂捶撻婢過苦王東亭聞而止之芳姿素善歌

嫂令歌一曲當赦之應聲歌曰

云

珉聞更問

之汝歌何遺芳姿卽改云

云

後人因而歌之

白團扇辛苦五流連是郎眼所見

白團扇顛顛非昔容羞與郎相見願得隨郎手因風從

方便

末二句原本無據御覽卷五百七十三補

案舊唐書樂志載團扇曲云團扇復團扇持許自遮
面憔悴無復理羞與郎相見彼係渾舉曲語此則明
述徒歌故置彼錄此

華山畿歌

古今樂錄

據樂府詩集卷四十六

華山畿者宋少帝時懊

懽一曲亦變曲也少帝時南徐一士子從華山
畿往雲陽見客舍有女子年十八九悅之無因

遂感心疾母問其故具以啟母爲至華山尋訪
見女具說聞感之因因脫蔽膝令母密置其席
下臥之當已少日果差忽見舉席見蔽膝而抱
持遂吞食而死氣欲絕謂母曰葬時車載從華
山度母從其意比至女門牛不肯前打拍不動
女曰且待須臾妝點沐浴既而出歌曰云
應聲開女透入棺家人叩打無如之何乃合葬
呼曰神女冢

華山畿君旣爲儂死獨活爲誰施歡若見憐時棺木爲

儂開

讀曲歌

古今樂錄

據樂府詩集卷四十六

讀曲歌者元嘉十七年

袁后崩百官不敢作聲歌或因酒讌止竊聲讀

曲細吟而已以此爲名按義康被徙亦是十七

年南齊時朱碩仙善歌吳聲讀曲武帝出游鍾

山幸何美人墓碩仙歌曰

云

帝神色不悅曰

小人弄我時朱子尙亦善歌復爲一曲

云

云

於是俱蒙厚賚

一憶所歡時緣山被苒苒山神感儂意盤石銳鋒動

古音

附錄一作爲 升菴詩話卷二被作破盤
作磐鋒作峰又云按苒音冗蓋方言也

暖暖日欲突觀騎立脚踏太陽猶尙可且願停須臾

升菴

經說卷二暖暖作曖曖突作
冥須臾作斯須脚躡作踈踈

案古今樂錄據王氏謨輯本採錄

隴頭流水歌辭

樂府詩集

卷二
十五

隴頭流水歌辭

西上隴阪羊腸九回山高谷深不覺腳酸

手攀弱枝足踰弱泥

按樂府詩集引古今樂錄曰樂府有此歌曲解多於此今其詞無考疑彼係樂曲而此則徒歌也說詳下文

隴頭歌辭

樂府詩集

卷二
十五

隴頭歌辭

朝發欣城暮宿隴頭寒不能語舌卷入喉

按以上二歌各有首一則均與續漢書郡國志注引秦州記隴水歌小異此歌後仍有一則與三秦記隴頭俗歌亦小異今附注異同於各條下此不復載考

秦州記所載作行者歌曰云云三秦記作俗歌曰云云此數則本相聯屬亦係徒歌可知後人採之入樂耳今故仍加著錄若樂府詩集橫吹曲門內音旨類此者頗多然無徒歌之迹可尋不得濫登著例於此

翟義門人平陵東歌

樂府詩集

卷二十八

崔豹古今注云平陵東漢翟義

門人所作也樂府解題曰義丞相方進之少子字文仲爲東郡太守以王莽篡漢舉兵誅之不克見害門人作歌以怨之也

平陵東松柏桐不知何人刳義公刳義公在高堂下交
錢百萬兩走馬兩走馬亦誠難願見追吏心中惻心中
惻血出漉歸來告我家賣黃犢

上留田歌

樂府詩集

卷三十八

崔豹古今注曰上留田地名也

人有父母死不字其孤弟者隣人爲其弟作悲
歌以風其兄注曰上留田樂府廣題曰楚漢世
人也云

里中有啼兒似類親父子回車問啼兒慷慨不可止

古謠諺

卷七十九

曼陀羅華閣

南風歌

樂府詩集

卷七十七

古今樂錄曰舜彈五絃之琴歌

南風之詩史記樂書曰舜歌南風而天下治南風者生長之音也舜樂好之樂與天地同意得萬國之驩心故天下治也

反彼三山兮商嶽嵯峨天降五老兮迎我來歌有

原注一作

青

黃龍兮自出於河負圖書兮委蛇羅沙案圖觀識兮

閔天嗟嗟擊石拊韶兮淪幽洞微鳥獸蹢躅兮鳳凰來

儀凱風自南兮增有喟歎

風雅逸篇卷一作喟其增悲

襄陵操

樂府詩集

卷五十七

襄陵操一曰禹上會稽書曰湯

湯洪水方割蕩蕩懷山襄陵浩浩滔天古今樂

錄曰禹治洪水上會稽山顧而作此歌

嗚呼洪水滔天下民愁悲上帝愈咨

御覽卷五百七十八引大周正樂愈

作俞三過吾門不入父子道衰嗟嗟不欲煩下民非欲伐

功也傷君莫知煩下民嗟乎天非欲數煩下民

非欲以下二十

一字原本無今據大周正樂補

箕子操

樂府詩集

卷五十七

箕子操一曰箕子吟史記曰紂

始爲象箸箕子歎曰彼爲象箸必爲玉杯爲玉
杯則必思遠方珍怪之物而御之矣輿馬宮室
之漸自此始不可振也乃披髮佯狂而爲奴遂
隱而鼓琴以自悲古今樂錄曰紂時箕子佯狂
痛宗廟之爲墟乃作此歌後傳以爲操

嗟嗟紂爲無道殺比干嗟復重嗟獨奈何

風雅逸篇卷一引琴操復

重作

漆身爲厲被髮以佯狂今奈宗廟何天平天哉

風雅

逸篇哉

欲負石自投河嗟復嗟奈社稷何

作乎

尅商操

樂府詩集

卷五十七

尅商操一名武王伐紂古今樂

錄曰武王伐紂而作此歌

上告皇天粦可以行乎

大道曲

樂府詩集

卷五十七

樂府廣題曰謝尚爲鎮西將軍

嘗著紫羅襦據胡牀在市中佛國門樓上彈琵琶

作大道曲市人不知是三公也

青陽二三月柳青桃復紅車馬不相識音落黃埃中

敕勒歌

樂府詩集

卷八十六

樂府廣題曰北齊神武攻周玉

壁士卒死者十四五神武恚憤疾發周王下令

曰高歡鼠子敢犯玉壁劍弩一發元凶自斃神

武聞之勉坐以安士衆悉引諸貴使斛律金唱

敕勒神武自和之其語本鮮卑語易爲齊言故

其句長短不齊

容齋隨筆卷一魯直題陽關圖詩云想得陽關更西路北風低

草見牛羊又集中有書韋深道諸帖云斛律明月胡兒也不以文章顯老胡以重兵困敕勒川召明月作歌以排悶倉卒之間語奇壯如此蓋率意道事實耳子按古樂府云云魯直所題及

詩中所用蓋此也但誤以斛律金爲明月月
名光金之子也歡敗於玉壁亦非困於敕勒川
通鑑卷一百五十九胡注云洪邁曰斛律金
唱敕勒歌本鮮卑語余謂此後人妄爲之耳敕
勒與鮮卑殊種斛律金出於敕勒故使之作敕
勒歌若高歡則習鮮卑之俗者也拜經樓詩
話卷三古樂府勒勒歌樂府廣題云北齊神武
攻周玉壁士卒多死神武恚甚勉引諸貴使斛
律金唱此歌神武自和之子按史言金不知文
字改名曰金猶苦難署至以屋山爲識則金焉
能爲此歌故梅鼎祚疑古有此歌神武當時或
令金唱之以安衆心耳沈歸愚選古詩源直以
爲斛律金作雖仍碧雞漫志等書之
訛而引北史云云北史實無是語也

敕勒川陰山下天似穹廬

碧雞漫志卷一
一天作山

籠蓋四野

容齋
隨筆

蓋作罩

漫志野作天

天蒼蒼野茫茫風吹草低見牛羊

蘇詩
卷十

古謠諺

卷七十九

曼陀羅華閣

施注草

作山

北齊後主時邯鄲郭公歌

樂府詩集

卷八十七

樂府廣題曰北齊後主高緯雅

好傀儡謂之郭公時人戲爲郭公歌及將敗果

營邯鄲高郭聲相近九十九末數也滕口鄧林

也大兒謂周帝太祖子也高岡後主姓也雉雞

頭武成小字也後敗於鄧林盡如歌言蓋語妖

也

邯鄲郭公九十九技兩漸盡入滕口大兒緣高岡雉子

東南走不信吾言時當看歲在酉

廣博物志卷三十五引北齊書兩作偶雉

雅作

越謠歌

樂府詩集

卷八十七

越謠歌

君乘車我戴笠他日相逢下車揖君擔簦我跨馬他日

相逢爲君下

御覽卷四百六引風土記作卿雖乘車我戴笠後日相逢下車揖我雖步行卿跨馬

後日相逢爲卿下合璧事類前集卷三十四引北戶錄二雖字作若卿跨馬作君乘馬爲卿下作君當下餘

與風土記同

按風土記作祝詞北戶錄作盟詞故置彼錄此

古謠諺

卷七十九

曼陀羅華閣

陳初童謠

樂府詩集

卷八

陳初童謠

御路種竹篠蕭蕭已復起合盤貯蓬塊無復揚塵已

陳初時謠

樂府詩集

卷八

陳初時謠

日西夜烏飛拔劍倚梁柱歸去來歸山下

唐武后時童謠

樂府詩集

卷八

唐武后時童謠

紅綠複裙長千里萬里聞香

全唐詩十二函八裙作裙
聞作猶注云千一作十萬

五一
作

古謠諺

卷七十九

曼陀羅華閣

古謠諺卷七十九終